

Headlines

1. उपराज्यपाल मनोज सिन्हा होरें भारत दी धरती पर नेता जी सुभाश चंद्र बोस हुं'दे आसेआ तिरंगा फहराने दी 82मीं बरेगंड दे मौके पर जम्मू च तिरंगा फहराया ते सुभाश चंद्र बोस फ्लैग प्वाइंट दा उद्घाटन कीता।
2. नमें ब'रे दे जश्र दे महेनजर जम्मू-कश्मीर च सुरक्षा दे पुख्ता बंदोबस्त, सुरक्षाबल हाई अलट्र पर सरहदी इलाकें च ड्रोन ए.के मैगजीन ते पी.एल.एन नशान आहले गुब्बारे गी जब्त कीता गेआ।
3. औंदे नमें ब'रे गी दिखदे होई श्री माता वैश्वो देवी मंदरै च श्रद्धालुएं दी भारी भीड़।
4. टाइगर डिविजन नै 1965 दे भारत-पाकिस्तान युद्ध दी हीरक जयंती दे मौके पर 1212 किलोमीटर लम्मी साइकल यात्रा दा आयोजन कीता।
5. मौसम विभाग नै जम्मू-कश्मीर च पैहली जनवरी तोड़ी बर्फबारी दी पेशनगोई कीती ऐ। उच्चिण धारें पर बर्फ पौने दी मेद।

<><><><><><>

LG-Netaji

उपराज्यपाल मनोज सिन्हा होरें नेताजी सुभाश चंद्र बोस हुं'दे आसेआ अंडमान ते निकोबार द्वीप समूह च भारत दी धरती पर तिरंगा झंडा फहराए जाने दी 82मीं ब'रेगण्ड दे मौके पर अज्ज जम्मू च तिरंगा फहराया ते नेता जी सुभाश चंद्र बोस फ्लैग प्वाइंट दा उद्घाटन कीता। एहू गैंऽ आजादी दी लड़ाई च नेता जी हुं'दे आसेआ अनमुल्ले योगदान दा चेता नुआंदी ऐ। इस मौके पर एल.जी होरें जम्मू दे राम बिहार स्थित जेडीए पार्क च लाई गेदी इक प्रदर्शनी दा बी मुआयना कीता। आजादी दी लड़ाई च नेताजी हुं'दे योगदान गी चेता करदे होई उपराज्यपाल होरें आखेआ जे नेता जी होरें पोर्ट ब्लेयर च तिरंगा झंडा पूरी दलेरी ते बेबाकी कन्नै फहराया हा।

<><><><><><>

High Alert

नमें साल गी मनाने कन्नै जुड़े दे आयोजनं गी सुरक्षित बनाने आस्तै सुरक्षा बल पूरी सतर्कता कन्नै हर थाह दी तपाशी च लगगे दे न, खास करियै पार्टिं आली थाहें। आकाशवाणी जम्मू संवाददाता नै जानकारी दिती ऐ जे प्रवेश केंद्रें पर बाद्दू नाकें दी बवस्था कीती गेदी ऐ ते हर शिड़क संपर्क पर गश्त बदाई दिती गेदी ऐ। इनें कोशिशें दे बश्कार दूर-दरेडे ते बन्ने कन्नै लगदे जिलें च किश शक शुबें आहली चीजां बी बरामद कीतियां गेइयां न। जम्मू-कश्मीर पुलस दे एसओजी नै पुंछ जिले दे गोहलेद ग्रांS च बगैर पंछान आले इक ड्रोन गी बरामद कीता ऐ। तोआई, सुरक्षा बलें सुधमहादेव च ए.के राइफल दी इक मैगजीन ते 7 जींदा कारतूस बरामद कीते। अखनूर सैक्टर च ज्हाजें दी शकल दा इक बड्डा फलूस, जेदे पर पाकिस्तान इंटरनेशनल एयरलाइन्स दा निशान हा, गी बन्ने कन्नै लगदे ग्रांS गूडा मन्हासा, परगवाल थमां बरामद कीता।

<><><><><><>

Pilgrims Rush

नमें ब'रे शा पैहले ज्हारां बद्धे श्रद्धालु रियासी च त्रिकुटा प्हाड़ियें च स्थित श्री माता वैष्णो देवी हुं'दी पवित्तर गुफा च मत्था टेकने आस्तै पुज्जा करदे न। सर्द ब्हाएं ते बदलदे मौसम दे बावजूद गर्म टल्लें च लपटोए दे मते सारे श्रद्धालू कटरा आधार शिविर थमां पैदल यात्रा करा रदे न। हर रोज औने आहलें यात्रुएं दी आमद ज्हार दे बिच्च दर्ज कीती जा 26 ज्हार शा 20'रदी ऐजेहड़ी - नमें ब'रें दी आमद आहली भीड़ गी दर्शांदी ऐ ते एह गिनतरी ज्हार तोड़ी पुज्जने दी मेद ऐ। 70 भीड़ प्रबंधन ते ट्रांस्पोर्ट सने -अधिकारियें आसेया यात्रा गी बवस्थित बनाने आस्तै सुरक्षा इंतजामें गी होर निगगर करी दिता गया ऐ। श्रद्धालुएं गी गुजारिश कीती गई ऐ जे ओह दिशा-निर्देशों दी पालमा करन ते उपलब्ध स्थूलतें दा इस्तेमाल करियै तीर्थयात्रा दा परेशानी बिजन अनुभव हासल करन।

<><><><><><>

2025-Watershed Yatra

ब'रा 2025 भारत दी विकास यात्रा च इक महत्वपूर्ण ध्याऽ रेआ ऐ। इस ब'रे केई नीतियें गी हकीकी रूप दिता गेआ। अज्ज अपनी बशेश श्रृंखला सुधारें दे ब'रें च अस तुं'दे आस्तै लेइयै आए आं जे किस चाल्ली भारत नै खेड्डें दे क्षेत्र च नमियां उंचाइयां हासल कीतियां न। प्रधानमंत्री नरेंद्र मोदी होरें 2025 च लाल किले थमां सुतंत्रता दिवस दे मौके पर अपने संबोधन च मुल्लै दी बदलदी सोच गी उजागर कीता हा। उनें आखेआ जे इक समां हा, जिल्लै माता-पिता बच्चें गी

खेड्डेनं थमां रोकदे हे, पर हून उ'नेंगी खुशी हुंदी ऐ जिसलै उन्दे बच्चे खेड्डेनं च दिलचस्पी लैंदे ना।
उनें इस तब्दीली गी इक अच्छी शुरूआत आखेआ। 2025 भारती खेड्डेनं लेई इक ऐतिहासिक ब'रा
साबत होआ ऐ। इक ऐसा ब'रा जेह्दे च भारती खडारिये अंतरराष्ट्री मंच पर छड़े तगमे गै
हासल नेई कीते, सगुआं दुनिया भरै च इक नूई छाप छोड़ी ऐ। इन्ना गै नेई खेड्डेनं गी लेइयै लोकें
दे बचार बी हून बदली गे ना।

<><><><><><>

Tiger Div Cycle

टाइगर डिविजन नै 1965 दे भारत-पाकिस्तान युद्ध दी हीरक जयंती दे सिलसिले च 1 ज्हार
212 किलोमीटर लम्मी साइकिल यात्रा गी कामयाबी कन्नै अंजाम दित्ता। एहू साइकिल यात्रा
जम्मू थमां शुरू होई ही ते हिमाचल प्रदेश दे केलांग थमां लंग्घदे होई मुश्कल रस्ते गी पार करदे
होई वापस जम्मू परतोई आई इस अभियान च अनुशासन ते टीम वर्क दी भावना गी बढ़ावा
दिंदे होई हिस्सा लैने आले सैनिकें दी शारीरिक सहनशीलता, मानसिकता ते दृढ़ निश्चय दा पूरा-
पूरा परीक्षण दिक्खने गी लब्बा। यात्रा दुरान साइकिल चलाने आहली टीम नै बक्ख-बक्ख थाहरें
पर साबका सैनिकें ते स्कूली बच्चें कन्नै बी गल्लबात कीती।

<><><><><><>

SHG-Mela Udh.

जिला स्तर पर महिलाएं ते आप सहायता समूहें बशकार स्वरोजगार ते उद्यमता गी लेइयै
जागरूकता बढ़ाने दे मकसद कन्नै जिला रोजगार ते परामर्श केंद्र नै जिला प्रशासन उधमपुर कन्नै
रलिए मिशन युवा तैह्त्त इक ध्याड़े दे उद्यमता जागरूकता मेले दा आयोजन कीता। इस पैहल
दा मकसद मकामी महिलाएं गी स्वरोजगार दे मौकें बारै जानकारी देइयै उनेंगी उंदा लाहू
ठोआने आस्तै प्रेरित करना हा। एहू मौके सरकार तरफा प्रायोजित उद्यमता विकास कार्यक्रमें दा
हिस्सा ऐ। इस कार्यक्रम दा शुभारम्भ ए.डी.डी.सी जुगल किशोर होरें कीता। बक्ख-बक्ख
विभागें अपने स्टाल लाइयै आने आलें गी सरकारी लाहकारी स्कीमें बारै जानकारी दित्ती।

<><><><><><>

SHG-Mela Kishtwar

जिला रोजगार दफ्तर किश्तवाड़ नै रोजगार जेके ते जम्मू-कश्मीर ग्रामीण आजीविका मिशन नै रलिये महिला उद्यमता ते स्वयं सहायता समूह मेले दा सरिस्ता कीता। इस मेले च किश्तवाड़ थमां तकरीबन 500 महिलाएं हिस्सा लैता। महिलाएं इस मौके अपने हथें कन्नै बनाए दे उत्पाद जियां जैम, अचार, साँस, साज-सजावट दा समान दा प्रदर्शन कीता। J.K.R.L.M दे मेद कार्यक्रम प्रशिक्षण दे हिस्से दे तौर पर लौहके लोन ते सब्सिडीज़ दी पेशकश कीती गेई। डी.सी किश्तवाड़ पंकज कुमार शर्मा होरें महिलाएं दी प्रशंसा कीती ते उ'नेंगी सशक्त बनाने दे सरकार दे धेइयै गी दोहराया।

<><><><><><>

G Ram G Ramban

विकसित भारत रोजगार ते आजीविका मिशन ग्रामीण योजना दा रामबन दे लोकें बड़ा मता सोआगत कीता ऐ। इस योजना कन्नै हून हर ब'रे ग्रामीण इलाके दे परोआरें गी 125 ध्याड़ियां थोआ करडन जेहड़ा मनरेगा तैहत् छड़ा 100 गै दिन हा। इस स्कीम कन्नै इक फायदा एहू बी होआ ऐ जे मजदूरी लेई जेहदे लोक ग्राएं थमां शैहरें बक्खी पलायन करी जंदे हे, हून ओहू घट्ट होआ करग कीजे ध्याड़ियें पर निर्भर ग्राएं दे लोकें दी आमदन च बाद्दा होग।

<><><><><><>

Weather

मकामी मौसम विभाग नै जम्मू-कश्मीर च अज्जै थमां कई थाहें पर हल्की थमां दरम्याने दर्जे दी बर्फबारी दी पेशगोई कीती ऐ। उच्चि थाहें पर पहली फरवरी तोड़ी बर्फ पोने दी मेद ऐ। आकाशवाणी जम्मू संवाददाता नै जानकारी दिती ऐ जे अज्ज मौसम आमतौर पर बद्दल घनोए दा रौहग ते किश थाहरें पर शामी तोड़ी हल्की बरखा या बर्फ पेई सकदी ऐ। 31 दिसंबर थमां 1 जनवरी तोड़ी हल्की बरखा या बर्फबारी मती थाहें पर होई सकदी ऐ। प्रशासन नै सावधान कीता ऐ जे 31 दिसंबर थमां 1 जनवरी दे बश्कार मौसम दे हालात गी दिखदे होई फ्लाइटां कैसल होई सकदियां न।

<><><><><><>